



UNIVERSITÄTS-  
BIBLIOTHEK  
PADERBORN

**R. P. Adami Contzen E Societate Iesv, SS. Theol. Doct.  
Commentaria In Qvatvor Sancta Iesv Christi Evangelia**

**Contzen, Adam**

**Coloniæ Agrippinæ, M.DC.XXVI**

Quomodo recipiant in æterna tabernacula.

---

[urn:nbn:de:hbz:466:1-83011](https://nbn-resolving.org/urn:nbn:de:hbz:466:1-83011)

## QVÆSTIO I.

Cur dicitur Mammona iniquitatis?

Mammona  
iniqui-  
tatis.

§. **M**ammona iniquitatis vocantur diuitiæ per-  
necias partæ; vel quod iniqui eas diuitias ef-  
se arbitrantur, non iusti; vel quod iniquitas est abun-  
dare alios, alios egere. vel deniq; quod homines fa-  
ciat iniquos. *Diuites omnis iniquus est, vel inique hæret.*  
Opes autem sunt irritamenta malorum. Syrus vo-  
cat *ממוןא* dechaula, quod omnem transgressionem si-  
gnificat.

## QVÆSTIO II.

Quid sit deficere?

Deficere.

§. **C**um duo certa sint; nempe hos à Deo arce-  
ri, & ab officio moueri. Deinde non tam-  
en idèò damnari, sed spem habere communionis  
sanctorum, tertium etiam certissimè concluditur.  
Deficere vel dici de illis, qui in peccatum lapsi gra-  
tiâ diuinâ priuantur. His enim dicitur: *Peccata tua E-*  
*leemosynæ videns.* Syrus habet, *defecerit Mammona*  
scilicet; vero etiam sensu. vel rectius deficere eos, qui  
moriuntur, tum enim propriè in tabernacula reci-  
piuntur.

## QVÆSTIO III.

Quomodo recipiant in æterna ta-  
bernacula?Recipere  
Beza si-  
dem te-  
stari.

§. **A**micos vocat Beza, [ non qui mortui pro  
vivo intercedant, sed quibus officia præstita  
fidem defuncti apud Deum testificentur, illa perin-  
de ac in seipsum collata comprobantem, & gratis  
coronantem, vt loquitur ipse Dominus Deutero-  
nom. 24. 13. Matthæi 25. vers. 40. ] Verum satis  
ille sibi responderet, Nec dicimus mortuos, sed vi-  
uentes, & beatos, & sæculo defunctos intercedere,  
& ille ait officia præstita pauperibus, fidem defuncti  
apud Deum testificari. Mira sanè interpretatio. A-  
mici vos recipiant in æterna tabernacula, hoc est, of-  
ficia amicis præstita testificentur fidem vestram,  
quæ est de prædestinationis certitudine. Principio  
quidem omnino à textu abit: Christus dicit amicos  
recipere, ideoque iubet amicos facere, si nihil illi a-  
gunt, si nec intercedunt, nec testantur sibi beneficia  
collata, non illi recipiant villo modo. Deinde Deus  
illa officia probat, & coronat gratis, si causam spectas;  
ex pacto, si promissionem.

Amici pa-  
randi, vt  
recipiant.Caluin.  
patronos  
quæren-  
dos ne-  
gat.Deus ele-  
mosynâ  
in tabu-  
las suas  
refert.

Mammona

§. 2. Caluinus hunc in modum philosophatur,  
[ Sicuti ante hac non iussit Christus sacrificia Deo  
offerre ex rapinis: ita nunc non intelligit vel depre-  
catorum quærendos esse, vel patronos, qui suo præ-  
sidio nos tegant ac defendant: sed benignè erogando  
fauorem apud Deum acquiri docet, qui se miseri-  
cordibus & humanis vicissim misericordem fore  
promisit. Stultè verò & absurdè quis mortuorum  
precibus vel suffragiis iuuari nos hinc colligat, nam  
hoc modo periret quidquid indignis impenditur.  
Atqui non obstat hominum prauitas quin Dominus  
in tabulas suas expensum referat quidquid in paupe-  
res contulimus. Respicit ergo Dominus non ad per-  
sonas, sed ad opus ipsum, vt beneficentia nostra, er-  
iam si in homines ingratos inciderit, nobis coram  
Deo respondeat. Sed ita videtur innuere vitam æ-  
ternam meritis nostris rependi. Respondeo, satis  
clarè ex contextu patere, humano more eum loqui:  
nempe quemadmodum is qui gratiâ pollet ac opib;  
si amicos sibi conciliet in sua prosperâ fortunâ, percul-  
sus aduersu casu habet à quib. sustentetur: ita nostrâ  
humanitatem nobis opportuni refugii instar fore,

quia Dominus quicquid liberalitè in proximos  
quisq; contulerit, non secus ac sibi præstitum agno-  
scit. ]

Primo amplectimur, quod ais fauorè apud Deum  
acquiri, qui misericordib. vicissim misericordem pro-  
mittit: si promisit, tenetur ergo promissis: ex pacto er-  
go miseretur, id verò nos mercedem dicimus. Deinde  
opus respicit, non personas, quod etiam ad meritum perti-  
net, quia respicit opus ex pacto. Personarum quidem  
ratio habetur: verum non pro temporaria dignitate,  
sed gratiâ. Quod verò ait non quærì deprecatores,  
contra parabolam est. Nam ipsi amici, quibus bene-  
ficia collata sunt, recipiunt, non vt Domini sed vt ad-  
ministrati. Quod si improbis elemosyna data sit, co-  
rum vice, Deus recipiet. Melius Aretius: [ Alie-  
rum est spes boni, recipient vos in æterna tabernacu-  
la, hoc est, iuuabunt vos precibus suis apud Deum, vt  
vobis propitius sit Deus, & clemens iudex. Æterna  
bernacula, pro vita æterna accipio, ad quam pauperes  
debent recipere diuites liberales. Non quod opus il-  
lud sit meritum, aut quod penes pauperes sit ad-  
mittere in celos, aut excludere quos volunt: sed in-  
seruit oratio superiori parabolæ, qua dictum recipi-  
ent me in domos suas. Et vt vita æterna merces dici-  
tur Luc. 6. ita hic ornantur pauperum preces, quasi  
hæ conferant vitam æternam, quod solius Dei est. Ita  
clemens Deus est, vt sua dona in pauperibus coro-  
net, quo nos liberaliores efficiat & propitiores er-  
egentes. ]

De meritis & pauperum precibus non ago hoc lo-  
co. Hoc notandum, quod ait: *ornati pauperum preces,*  
*quasi vitam æternam conferant, quod est solius Dei.* At non  
ornantur preces illic à Christo falso, nisi etiam con-  
ferrent, non eo modo, quo Deus, sed alio, nempe in-  
tercedendo.

Nam vitam æternam conferri per preces alicui,  
non est eo modo conferre, quo Deus solus confert.  
Preces enim Deum esse & conferre vitam docent.  
Qui quis enim Deum precatur: infra Deum se collo-  
cat. Vt periculum non sit, ne honori Dei detrahatur,  
quod precibus tribuitur.

Itaq; etiam ipsi recipiunt, quia misericordia illis  
tanquam Dei famulis præstita, remunerationem ha-  
bet. Quamuis Christus hic de pauperibus loqui-  
tur, vt beatis, nec merita eorum nos examinare, sed  
miseriæ succurrere docet. Sic Ambrosius. *Et idèò*  
*ait, facite vobis amicos de iniquo Mammona, vt largi-*  
*do pauperibus, Angelorum nobis, cæterorumque Sancto-*  
*rum gratiam comparemus. Nec reprehenditur villicus*  
*in quo discimus non ipsi esse Domini, sed potius ali-*  
*orum villi & facultatum. Et ideo licet peccauerit, tamen quia*  
*sibi in posterum ex indulgentiâ Domini quesivit a-xilia, pre-*  
*dicatur. Vbi & Sanctorum gratiam comparari velle dicit,*  
*quia & villicus id agit, & vocat villicum facultatum Domi-*  
*ni sui.*

§. 3. Tossanus ait: *Testes intelligere merita & suf-*  
*fragia Sanctorum per amicos, Ipse intelligit Deum, &*  
*amicos, non quorum suffragiis iuuantur, sed in quorum*  
*consortium admittantur. Sed ipsis amicis tribuitur a-*  
*ctio admittendi, ipsi admittunt inquam, & villicum*  
*ipsi recipiunt in domos suas, quod votis suffragiisq;*  
*fit, non solo consortio. Imo cum exprèsè aliquid ege-*  
*rit villicus, vt reciperetur in tabernacula debitorum, fit ut*  
*eosque eo per mouere conatus sit; cum etiam Christi pre-*  
*stus iusserit facere amicos de mammonâ iniquitatis, gent.*  
*vt nos recipiant, dubitare non debemus, aliquid eos*  
*in nostra receptione agere, atq; adeò id agere,*  
*propter quod amicos facere illos*  
*iubemur.*

QVI